

**Maki Naña Pol Siria Pa Pan  
Li Nalelagaena Wa Lala Nae  
Garu  
KOLOSI  
Visayuena Na Tusi Nene**

*Komþasnen suniena plas na tusi nini*

Kolosi naga pupia pulkumali tai na lepas nae Esia naña nanua sumo na ñeke vatanon Þarin Suþe keviu nae Rom. Pulkumali nene sike e purvanua naña nagane kiena kia Teki. Pulkumali nene ñeke yepasnen pulkumali taþena naña Episas e lepas naña mrae molue ke komea. A ñaki nini Pol siria pan yaru na suñare lala nae yo nene. Pol pe siar re suñare nae Kolosi poli, ana pulkumali nene sike lavisin Episas, naña pupia pulkumali na lepas nene, naña Pol miyuñae ke e silaga. Pogos naña Pol sike garu Episas, naga mligan plan ke kiena yaru lala apa amlologon ke lologena wo e yo lala na lepas nene, a Kolosi naga tai naña ñeke e yo la nene. Ana komin suri ne nanene, Pol pisu sane yuñae na visuaren yo nene Kolosi naga ñena sike e limana.

Pol mloge visena tai asape navianiena lala na suñare nene, asuñae apisa ke asape yaru lala monar alotun ga yerkawa lala a nasumonena kiena yermare lala, vena akilia ruru Ntewa, a vena akilia atol maliena naña pulen suri makega. A apiyan ke yaru lala, asape monar ataveve

navisaluaena marua e lepas na kinaniena, a suri taþena si laþasa, a monar ave þaviu vena atol maliena.

Ana Pol siri mñaki nini vena visaluþaren sitomienna viowa la ne sanene, a pisawal visena lelaga kiena Yesu Kristo pan la. Purþesnen sitomena naþa pisa na sanini, sape Yesu Kristo naga taaga kilia la maliena naþa ulen suri makega van ita, a vianena viowa la nene asuñña aþere plan yaru lala aþure matania. Kristo miyuññaen yuññaena kiena Ntewa na sien yomarava nini, a naga miyuññaen kiena Ntewa vena wereplan si yaru la aimi ea. Yaru monar sikol naga e Kristo vena kilia tol malena, a pe mrapa taþena re si poli. Pisina siraunia, Pol pisawal panila e suri la naþa akilia atol e kiela maliena komin naþa amlelaga e Yesu, a naþa asikol la ruru amio naga.

Pol mla mñaki nene pan yaru tai kien kia Tikikas vena la va van li nalelagaena la garu Kolosi. Tikikas nene, naga yaru mña nena naþa lalua Onesimñas apano, naga mla Onesimñas þasuþe si pa kiena yo. Sunienna nene sike e mñaki kiena Pol naþa pitetalia pa puna Pilimon.

*Komþasnen tusi la na nini*

Visena þesa 1:1-8

Pelaga kiena Kristo, a kiena yuññaena 1:9—2:19

Malena viuw e Kristo 2:20—4:6

Visena maro 4:7-18

*Pol siar kiena visena*

<sup>1-2</sup> Inu Pol, naþa in na yaru nalologena kiena ne Kristo Yesu naþa Ntewa naga mligan inu, a

nekekara naþa nevitawe amiu e mñaki nini, naþa nesiria piñasu pan amiu li nalelagaena wa lala nae Kolosi, naþa amiu punu ga ape kiau wolai lala a vineu lala e Kristo, naþa asuñña apiawa mñarera e naga. In na nemio Timote, naþa naga sike amio inu, imimi lua memlen mesape þisi na lemamiena a suñarena kiena ne Arimata Ntewa sike amio amiu.

*Pol pisa potena pan Ntewa vanon la*

<sup>3</sup> A silaga e kiamimi leniena lala, imimi lua mepisa potena pan Ntewa Arimana ne kieta Suþe, Yesu Kristo, vanon amiu. <sup>4</sup> Naga nene vanon naþa imimi lua mekekaran amiu paþisi, naþa visena tol imimi sape kam na asuñña apiawa ke mñarera e Yesu Kristo, a asuñña sinemiu sii manene ke mñena li nalelagaena taþena lala. <sup>5</sup> Pelaga wo nene naga suñña molue ke ga e kiamiu malena lala komin naþa sinemiun manene naþa þisi na akilia atol suri wo la naþa Ntewa mligan ruru sike ma e peni vena ve kiamiu. Suri wo la ne sanene, amloge lologena wo pisaar pan amiu þisi rui. <sup>6</sup> Visena lelaga nene pimi pun amiu þisi rui, a nagane, suñña pa vanua manene ke mñena ga e yo taþena lala e yomarava nini narui. Sumña pava ke sanene, ana suñña kapuru a suñña þar ke mñena ga mras la naþa powo, torokin ke naþa kila pan amiu e ke e pogos naþa amloge þesania, naþa apisu kilale sane lemamiena kiena ne Ntewa e ita naga keviu a lelaga paþisi. <sup>7</sup> Sur la nene Eþaþras naga pian amiu e rui, pogos naþa naga kus lelemimi imimi lua, ana naga

pimi pisawal p̃esan lologena wo nene pan amiu. Naga pe yaru tai naṣa imimi memiyuṃae ke lele taaga, a naga masusun yuṃaena wo lala kiena ne Kristo. Imimi mekekaran naga paṣisi,<sup>8</sup> a nanagane, naga p̃asuṣe si pimi pun imimi rui, mla lologena wo tai pan imimi, naṣa pisayu sanape naṣa kiamiu malena lala suṃa pule luen ga e pupia sinesiiena naṣa Ninuna Wa mla pan amiu.

<sup>9</sup> Komin sur nene, pogos naṣa imimi lua memloge visena nene kiena Eṣaṣras, memlen wo amiu silaga pimi tol nagane, a mesuṃa mepiun ke tan Ntewa mesape p̃isi na Ninuna Wa la manmaruaena a nakiliaena wo lala van amiu, vena akilia ruru nasinenanena wo punu ga kiena ne Ntewa. <sup>10</sup> Ve sanene, p̃isi na yoko akilia ayal mesmesu e mrapa napo naṣa popon yeririna kiena kieta Suṣe la ayal ea, a p̃isi na akilia akila naṣa naga kilia kekaran make kiamiu p̃elaga punu ga. A yoko mras wo lala kilia imi ṃalivi e kiamiu malena lala a e ṃena ga e kiamiu yuṃaena lala, a p̃isi na kiamiu kiliaena e Ntewa kilia va merorol manenea. <sup>11</sup> Imimi lua memlen mesape p̃isi na pupia puriukawaena kiena ne Ntewa suṃa kila amiu ṃena ga aṃarera, vena akilia asuṃalar amiu e pog ṃarera, a vena kiamiu sitomiena ve piavi, a akekara ga e pog la ne sanene. <sup>12</sup> Ita na monar tevisa potena va Arimata, naṣa kila ita ṃena ga temio li nalelagaena wa taṣena lala, tekilia tokus lalimana loyuṃa e kiena nasuṣenena na yomerarava nena, <sup>13</sup> komin naga p̃urelua ita rui petan ṃareraena na yemalolo, ana naga mlen

plan ruru ita tepa e nasuñenena kiena ne narina nene, naña naga kekaran naga pañisi. <sup>14</sup> Ore, Ntewa naga ñerelua ita ñisi rui, naña piwo ita komin kieta mlamulena viowa lala.

*Kristo pe ñarun yo yau wetelu*

<sup>15</sup> Narina nene, naga Kristo nene, naña naga pe nono tai naña tekilia tevisuia, naga kiena ne Ntewa naña tañatete tevisu naga, naña naga pe ñearun make suri la punu ga naña Ntewa sii la.

<sup>16</sup> E ga e Kristo nene, Ntewa sii make sur punu ga,

naña ma e peni a e yomarava,

naña tekilia tevisuia a naña tañatete tekilia tevisuia,

amio sur la naña apisuar ke yo yau, sa naña ñarin suñe lala, nañareraena lala, yerkawa lala, a navisi lala.

Ntewa sii make suria e Kristo,

a Ntewa sii make suria pe kiena ne Kristo.

<sup>17</sup> Kristo naga sike pa sumon sur tañena la rui, a naga mligan ruru make sur la nene, asuñña amiyuñae ruru ga e lelela.

<sup>18</sup> Kristo pe purñes nen malena kiena nalotena, a naga pe ñarin lotena nene, sa naña lotena nene naga pe tasnena.

Naga sumon ñes yaru la naña amal sina e marena,

ana sanene naga kila sane nanagane naga sike laa metavan make sur tañena lala.

<sup>19</sup> Kristo to metavan make sur la sanene, komin naña Ntewa tañan kiena naurarena sike e

naga, sa naña kiena malena wetelu a kiena namãreraena sike ea.

<sup>20</sup> E ke e Kristo nene na wa, Ntewa ãar ke sina ga sur nae ma e peni amio yomarava nini awasuþe ke sina ga vania.

Naga kila yo yau wetelu kilia imi ve mara wo ke sina ga amio naga, nanene e ga e tana ne Kristo naña mlau e laki torovia.

*Amiu ave marawo ke sina ga amio Ntewa*

<sup>21</sup> Nanua sumo, kam na ape wolawa ga, a asike laa perinan Ntewa, a ape kiena nasinekar ga, komin kiamiu sitomena viowa a kiamiu ãelaga viowa lala. <sup>22</sup> Ana nanagane, naña Kristo pimi pe yaru sane ita, kiena marena kila ita teve mara wo ke sina ga temio Ntewa. Ntewa kila sanene, vena kilia were amiu aimi puna naña ave yar wa kemua lelaga, a ayekiki ruru wo, a naña ve sur viowa re nena tai teke e amiu. <sup>23</sup> Ana nanene na kilia ve sanene, visae asumãalu ga mãrera ase Kristo, a visae amlelaga ke e naga wa. Popon amiu ve auresun amiun re naña auarar manene lelagaena e navisaarena lala kiena ne Ntewa, monar alelaga sane yoko naga monar la sur punu ga van amiu naña amloge rui e nalologena wo nene, naña yeririna na yomarava la amloge rui, naña inu Pol in na nepe yaru na lologonena.

*Pol miyuãae mãrera komin li nalelagaena lala*

<sup>24</sup> Nanagane nemloge piowa e tasneu komin amiu, ana in na nekekara ga ea. Nanene naga sa naña nesuãa nemiyuãaen sur na loge viowaena make ga e tasneu, naña Kristo naga mliganar

inu vena nowaria, sa naþa naga þar þisi rui, vena neiila þegas nen li nalelagaena lala vena asumãalu m̃arera. <sup>25</sup> Ntewa mligan inu vena neimi ve sa yaru na yuãaena tai na þegas nen li nalelagaena lala, a nagane nekilia neiila amiu e yuãaena nene naþa Ntewa mligan e lumãau, nanene vena nevisawal kiena visena va yeririna lala vena akilia make ga. <sup>26</sup> Kiena visena nene sane visena tai naþa nakonua konua rui, tapoloun ga e yermarua lala, naþa la pe akilia re nenaga, ana nanagane Ntewa kila pimi merarava pan kiena li nalelagaena wa lala. <sup>27</sup> Kiena sitomena naga pe na kilaen sanene narui, sane visena nene naþa kiena yeririna la naþa le Yu lala, la pe amloge kilale re poli, ana þisi na naga visawal kana sur nowo ne lala, naþa po manene laa, va la naþa pe ape le Yu re poli. ?A visen tapolou nene pisa ya? Naga pisa sanini narui, pisape Kristo naga kilia sumã e losinemiu lala, a amiu akilia alelaga asape þisi na Kristo naga kilia kila amiu akilia asikol Ntewa e kiena malena wo nae ma e peni.

<sup>28</sup> Imimi lua mesuãa memlologon ke Kristo ne nanene narui pan yeririna lala, mesuãa mepisa ke pan la mepisape la monar avisuar ruru la, a mesuãa mepian la ke e manmaruaena lala. A visae laþasia naþa kiela sitomena lala a kiela lelagaena lala marua ruru wo, la akilia aimi asumãalu amio imimi lua e marana ne Ntewa. <sup>29</sup> Nesuãa nemiyuãae ke m̃arera paþisi komin sur ne nanene, ana silaga nesuãa nemiyuãae ke e pupia nam̃areraena nene naþa Kristo naga kokonia inu ea.

## 2

### *Monar amiu alelaga m̃arera e Kristo*

<sup>1</sup> Ee, naga sa naḗa nepisa ne, naḗa nesuḗa nemiynuḗae m̃arera komin amiu, a komin m̃ena ga la naḗa nae Laotisia a amio m̃ena ga yeririna taḗena lala naḗa la pe apisuli re marau pogos tai poli wa. <sup>2</sup> Sineun nesape nekila kiela sitomena suḗalu m̃arera suḗa ga, a vena kiela sinesiena lala kilia sikol ruru sinela lala la aimi ave taaga. Sineun manene nesape ḗisi na la atol pupia nakilia wanen suri nene naḗa sumo na la pe akilia re poli, naḗa naga Kristo ke narui, ana ḗisi na kiela sitomena lala ve veve lua re sina. <sup>3</sup> Naga nene komin naḗa e Kristo, yeririna lala la akilia alual sur la naḗa powo na manmaruaena amio na kiliaena kiena ne Ntewa, naḗa naga ḗarwania suḗa ga e Kristo.

<sup>4</sup> Nesuḗa nepisa ke visena nene pan amiu, vena taḗatete yeririna lala akila gola kiki van amiu vano-o aure kiamiu sitomena lala va ve taḗena, e kiela visokanena na manmaruaena lala. <sup>5</sup> Nepis sanene pan amiu komin naḗa nesitom manene amiu paḗisi. Pe sur korena ga naḗa tasneu sike laa perinan amiu, ana silaga kiau sitomena sike amio amiu. Ana nekekaran manene amiu m̃ena ga, naḗa nemloge asape amiu na pe asu re ga sanene poli, ana asuḗa amiyuḗae mesmesu ruruia, a asuḗa apa veraga aḗasine ke Kristo m̃arera.

### *Kieta malena monar suḗalu se Kristo*

<sup>6</sup> Komin naḗa ita tokus Kristo Yesu naga pe kieta Suḗe rui, silaga monar teyal ga e naga, <sup>7</sup> a



naga monar ve sa naþa þeligas nen kieta malena, pona yumña na kieta malena monar sumñalu su metava e naga. Ve sanene, kieta naviawaena e naga kilia imi mñarera laa sane silaga, sa naþa apian ita e þisi rui. Ana silaga, monar tevisa luen ga potena vania.

<sup>8</sup> Ana amiu monar avisuar ruruia vena þisi na taþatete yeririna lala aimi aviar amiu e visena la naþa taveve ga namanmaruaena kiena ne yeririna, pona navianena la naþa pulen ga nakiliaena na yomarava nini. Visena korena la nene pe navisokanena ga, a la amolue ga kome sitomena marua kiena ne yeririna lala, a la amolue e lepas kiena ne yermare lala amio kimi lala, ana la pe amolue re e Kristo poli.

*Kristo naga pe þarin sur punu ga*

<sup>9</sup> Ntewa naga mligan kiena malena amio kiena namareraena make ga sike e tasnena ne yeririna nene naþa Kristo, <sup>10</sup> naþa naga pe þarin sur la punu ga, a naga su metavan namareraena taþena lala. A e þelaga mña nenaga nene, Ntewa mligan kiena sur tanea lala asike e kiamiu malena lala, amiu naþa asike e Kristo. <sup>11</sup> Ana komin naþa amiu asike e Kristo, naga te plan þelaga viowa lala a sitomena viowa lala vetan amiu, sa naþa naga kila þaviu e amiu, ana pe nepisa re þaviu nene naþa yaru la asumña akila ke poli, nepisa ke þaviu taþena tai naþa Kristo naga kila, sa naþa naga þar plan napiowaena lala e kiamiu malena. <sup>12</sup> A pogos naþa la akee amiu, naga sa naþa Ntewa sin amiu amio Kristo,

a naga kila amiu amal m̃ena ga amio Kristo, naga nene komin naṣa amiu aṣasine naṣareraena keviu nene kiena ne Ntewa naṣa kila Kristo mali sina ga e marena rui. <sup>13</sup> Ana amiu la nene, nanua sumo Ntewa pisu amiu sa ga naṣa kiamiu mlamulena piowa lala kila amiu amare pa rui. Amiu na pe ape ṣaviu re sane le Yu la poli, ana Ntewa pisu amiu sa naṣa kiamiu malena pe pe ṣaviu re m̃ena ga poli, sa naṣa kiamiu malena pe pilon ruru re poli wa, a ṣelaga viowa lala sike e amiu wa. Ana nagane, naṣa asikol amiu amio Kristo, Ntewa mla malena viu pan amiu ṣisi. Ita tetol malena viu nene komin naṣa Ntewa na piowo ita vanon kieta mlamulena piowa lala, <sup>14</sup> a naga miyumu plan kieta lapui la rui. Nanua sumo, lapui la nene la asike e tus nene naṣa navisaluaena ṣarera kiena ne Ntewa sike ea, naṣa la apiar ita paṣisi, ana Ntewa mlalua sur la nene. Amio kana tus ne lala, sa naṣa sane suar make ga e laki torovia amio Kristo, ana pe lapui re si la nene poli. <sup>15</sup> E laki torovia nene, Kristo taulu sur taṣena la naṣa puriula ṣarera, a naga kilaro nena naṣareraena kiena ne yermare lala, sa naṣa naga taulu la e pupia mara tai, ana naga kila kiena nasinekar la nene aimi ave sur korena ga e marata ita yeririna lala, vena ve tesitom re si tevisave la ato laa metava.

*Kristo naga pe ṣarimiu*

<sup>16</sup> Visae ve sa nene, amiu na monar ve ataṣan re yaru tai visaluṣar amiu visave ve akan re suri nene, pona ve amun suri re nene. A amiu na

monar ve atamãan re naãa yaru tai m̃areran amiu vena ataveve kiela ðelaga marua lala e lepas na sur sane legiena wa la na kasa, pona e lepas nen ðaãagena na kupario viu, pona e lepas na legiena na olua. <sup>17</sup> Navisaluaena la ne sanene, yeririna lala la apisa vena akilali naãa alual mrapa naãa mesmesu, ana la sa ga ninun sur ga naãa naga pimi ðarpo re yo poli wa, ana purðes nen sur lelaga punu ga, naga Kristo ga. <sup>18</sup> Yeririna la ðasia asumã ga naãa la asitom ke asape la apo manene taulu amiu, komin naãa la apisu sur la moki e kiela m̃eniena lala, ana la asitom ke asape la akilia manene e lepas nen navisi lala. Ana asitom ke asape la apo, akila kiela sitomena lala sike ga tano yo, taulu yeririna taãena lala, ana peraga, la nene la sa ga keriko. La asumã apilave ga e kiela visena lala, naãa la apisayu manene laa ke sina ga paãisi, ana kiela sitomena lala pulen ga vilaveena amio kiela sitomena korena taãena laãasia, vano vano-o tol naãa la asumã amieluar la ke sina ga. Ve sanene, amiu ve atamãan re si la nene aliãere amiu avisave amiu na pe atol re sur nene poli wa naãa la asike e ðisi rui, <sup>19</sup> komin naãa la nene la amligan Kristo ðisi rui, la pe apuarar ruru re si naga m̃arera poli sa naãa naga pe ðarila. Ana Kristo naga sumã ðuarar ruru ke ga la naãa la sane komãas nen tasnena, a naga sumã pagan ruru la, sumã kawes mesmesun ruru kilamerpu amio kana kowiu lala, ana tasnena naga sumã miyuãae po a sumã kapuru po sa naãa Ntewa naga sinenania.

### *Amiu na atol malena viu e Kristo*

<sup>20</sup> Inu nekilia nesape sa naña Kristo naga mare nanua sumo rui, amiu mēna ga amare amio naga, kila naña e lepas na pēlaga viowa, amiu amare e p̄isi rui, a pe pon re si p̄elaga viowa imi tol kiamiu malena poli. A Kristo naga p̄urelua amiu mēna ga rui e m̄areraena na sitomena nasumo lala na yomarava nini, amio kiena yermare lala. Sanene narui, sineun nesape neviun tan amiu sanini: ?Sanape asuñña amialoro ke sa naña amiu ape yaru na yomarava ke ga wa? ?A komin ya ne amiu asuñña amlogear ke navisaluaena marua la naña apian e sumo, naña la apisa apisape: <sup>21</sup> “Amiu ve auarar re sur nene,” pona “Amiu ve amunli re sur nene,” pona “Amiu ve atol re sur nene.” <sup>22-23</sup> Ana pe lelaga naña yaru la amloge visena la nene, ana la asitom asape navisaluaena la ne sanene ape manmarua ruru po, ana navisaluaena la nene la amolue ga kome sitomena kiena ne yar lala, la pe ape lelaga re poli e vianena kiena Kristo. La apisayu ga sur na yomarava la nini, sa naña kinanena, pona sur na munena, ana sur la nene taḗatete iila amiu, a la taḗatete mēna ga akila kare kiamiu malena, komin naña visae olavia pona oyum̄aenia, p̄isi na sur la nene yokorena akokovio.

Pona yaru la apisirilua visaluaena la nene vena akilali yum̄aena wo laḗas yo, naña la apisa apisape yaru monar len sanene pona sanene, a pona la apisa apisape yaru monar ligana kiena sitomiena su ga tano sanene pona sanene, a pona la apisa apisape yaru monar kilali naña kawē

ruru tasnena sanene pona sanene e sur la naña m̃arera pan naga.

Ana nevisa van amiu, sane visaluaena la ne sanene, la pe puriula m̃arera re nena poli vena suwoen sitomena viowa lala a p̃elaga viowa la naña sike e los nen yaru.

### 3

*Malena naña mekiki ruru po a pe wa ruru nenaga*

<sup>1</sup> Amiu la nene, Ntewa naga pisirlua amiu amal sina ga e marena amio Kristo, ana sanene na monar aṗionli ga sur la naña nae ma e peni, e yo nene naña Kristo naga toṃa tano e lepas nen Ntewa na p̃amarua. <sup>2</sup> Amiu na monar asitoṃal ga sur lala nae e yo nene, ve asitom re si sur na yomarava la nini, <sup>3</sup> komin naña sane amare e p̃isi rui. Nanagane kiamiu malena viu naga tapolou amio Kristo e Ntewa, <sup>4</sup> komin naña Kristo pe purp̃es nen kieta malena nagane, ana suraunia, e pogos naña naga kate e maran yeririna lala, yoko ita ṃena ga takate temio naga e kiena pupia naurarena.

*Kiamiu malena na sumo monar p̃isi*

<sup>5</sup> Amiu na monar awe plan punu ga p̃elaga lala na yomarava nini e kiamiu malena lala, sane nataṗaena lau, sur na mawaena lala, nasi-nenanena viowa lala, nakekaranen mlamulena viowa, a navinavinayaena ṃena ga. Pelaga la nene pioyowa ga, a navinavinayaena nene, naga sa naña yaru kila sane sur la naña naga sinenan manene laa paṗisi apimi sa naña kiena

ntewa taŕena lala. <sup>6</sup> Komin ŕelaga ne la nanene narui, Ntewa sinena mimi paŕisi, ana kiena naliŕereena naga suŕna pimi ke pan la naŕa la pe amlogear re naga poli. <sup>7</sup> Sumo na, kiamiu malena sa ke nene narui, naŕa amiu amiyal ke ga e ŕelaga la nene, <sup>8</sup> ana nagane, pogos na liganen ŕelaga la nene, pogos na sur la nene aŕisi e kiamiu malena lala. Ve sanene, amiu taŕatete sinemiu mimi, a taŕatete avis kapuru va yaru taŕena, a taŕatete asuŕna ave erau viowa van amiu. Ŕisi na taŕatete avismumun yar taŕena, a ve avisa re visena la naŕa pe kororaki. <sup>9</sup> A ve avisa kotalia amiu re mŕena ga, nanene komin naŕa amiu na amlalua ŕelaga marua naŕa apaeme amio naga ŕisi rui, <sup>10</sup> a amiu na amiyen ŕelaga viu tai e amiu, sa naŕa malena viu tai naŕa Ntewa naga siia pe kiamiu. A pogos punu ga, Ntewa naga suŕna kila ke malena nene pimi pe urviu ke sina ga, vena kila amiu akilia ruru kemua naga lelaga, a vena kila amiu aimi laa ve sa naŕa ave kiena totou. <sup>11</sup> Komin sur ne la na nene, ita na ve teliŕere re si yaru lala, sa naŕa tevisave laŕasia ape le Yu, ana laŕasia ape li na yo taŕena ga lala, pona laŕasia la ape ŕaviu, ana laŕasia pe ape ŕaviu re poli, pona laŕasia la ape suŕe, ana laŕasia ape li nayuŕnaena kiena ne suŕe ga lala. A ita na ve tevisa re mŕena ga tevisave yaru laŕasia la apian ruru la ana akilia suria, a laŕasia ape yer ura ga, pe akilia re sur tai poli. Ana pupia suri taaga ga naŕa tekilia tevisuvisu yaru ea, tevisave naga mlelaga

e Kristo pona ve lelaga re, komin Kristo naga sike e sur punu ga a e yar punu ga.

*Amiu aligan malena viu nene e amiu*

<sup>12</sup> Pogaga, sa naþa Ntewa naga sinenan manene amiu paþisi, ana naga ligan amiu vena ave kiena yeririna wa lala, monar ayen þelaga viu nene e amiu sa naþa naga sinenania. Pelaga viu nene naga sa naþa sur la nene asike e kiamiu malena, sa naþa nasineyeena yaru, nasinewoena, navatanoena, namoñauena, a namalumena. <sup>13</sup> Amiu na monar ve sinemiu kar amiu re vilaga, a visae amiu yar ve lua, sur tai sike likan lalua nene, þisi na monar avievewo lalua. Ana monar amiu avievewo amiu, e ke e þelaga nene naþa kieta Suþe naga piwo amiu. <sup>14</sup> Ana amio þelaga wo taþena la nene naþa monar ayenia, monar ayen mēna sitomena e amiu, komin sitomena naga kilia sikol ruru þelaga wo la nene vena la ayuñae ruru ve raaga, vena la aimi ave taaga. <sup>15</sup> Pisi na suñare naþa Kristo naga mligania naga kilia visuar sinemiu lala, komin naþa Ntewa naga pioproan amiu vena ave taaga, naþa amiu punu ga asikol ruru amiu amio naga e þegas tai naþa naga pe þarunia, vena silaga suñare nene kilia su luen ga amio amiu. A silaga avisa potena e sur punu ga.

<sup>16</sup> A visena wo kiena ne Kristo, silaga naga monar imi sa naþa mali e sinemiu wetelu, komin naþa kiena visena la nene naga po tanea wa. Amiu monar asumña avian amiu ea, a amiu ga asumña akila ruru amiu ke sina ga e kiena

manmaruaena wo lala. A popon asuñña ayau va Ntewa e sam lala, a yauena wa lala, a e yauena lala na yeluaren Ntewa, ana e pogos naña asuñña ayau ke sanene, p̃isi na sinemiu la punu ga ulen visaen potena vania. <sup>17</sup> Sur punu ga naña amiu akila, a visena punu ga naña avisa, ana monar akila e kia kiena ne Yesu, naña kieta Suṽe, a pogos punu ga na monar avisa potena kome naga va Ntewa Arimata.

*Malena viu kiena yaru lala*

<sup>18</sup> Amiu sira lala naña atalopa rui, monar avatano e womiu lala, sa naña mesmesun naña sira naña mlelaga naga kila.

<sup>19</sup> A amiu yerm̃ene la naña atalopa, monar asitom manene womiu lala, a kiamiu p̃elaga lala monar ve melkalka manene re silaga van la.

<sup>20</sup> Amiu sisi lala, monar alogear arimamiu lala amio anemiu lala, komin naña kieta Suṽe naga kekaran p̃elaga nene paṽisi.

<sup>21</sup> A amiu arimala lala a anela lala, p̃isi na sinemiu lala ve vilul re va narimiu la silaga, komin naña visae ve sanene, akila kare la, akila kiela sitomiena lala loloru.

*Suṽe lala a kiela yar na yuññaena lala*

<sup>22</sup> Amiu yar punu ga na yuññaena kiena ne suṽe lala, silaga monar alogear kiamiu yerka wa la nene. P̃isi na ve akila re sanene e ga e pogos naña la asike amio amiu, vena akilali naña la akekaran amiu, ana silaga monar ayuññae



naña kiamiu sitomena la ve lelaga make ga, sa naña e yumãena nene, asumã amlogear ke kieta Suđe silaga. <sup>23</sup> E yumãena ya naña amiu akila, monar akila naña akekarania, sa ke naña asuña amiyumãe kiena ne Suđe, pe kiena yaru re ga la poli. <sup>24</sup> Popon asitoñal sa naña Suđe ke nene narui p̄isi na naga la kiena lalimana van amiu, sa naña naga pul amiu, komin yerkawa ruru napo naña ayumãe vania, naga Suđe Kristo. <sup>25</sup> Ana yaru naña sumã kila ke pe mesmesu re poli, p̄isi na naga kilia la maran ke sina ga vanon kiena napiowaena nene lala, komin Ntewa pisuveve yumãena kiena ne yar la punu ga mesmesu ga.

## 4

<sup>1</sup> Ana yerkawa lala, amiu m̄ena ga monar akila mesmesu ruru wo va yaru lala e kiamiu yumãena lala, komin naña amiu m̄ena ga kiamiu Suđe tai sike ma e peni naña p̄isi na naga liḗere kiamiu p̄elaga lala.

### *Pol naga pian la*

<sup>2</sup> Amiu na monar añarera e leniena pogos punu ga, a monar alen naña asitom ruru e sur la naña avisa e leniena, a naña kiamiu sitomena lala naga sumã pisa ke potena pan Ntewa. <sup>3</sup> Sineun m̄ena ga nesape monar alen wo imimi, vena p̄isi na Ntewa vike kiamimi mrapa mekilia melogon sur wo nene naña sumo na tapolou, naña visena kiena ne Kristo, naña nanagane na nesike e lokap vanonia. <sup>4</sup> Awis, sineun nesape alen naña p̄isi na nekilia nevisi wo, vena kila

visena la nene merarava, sa naþa mesmesun ga naþa yoko monar nekila. <sup>5</sup> E þelaga la nene naþa asumã akila ke e maran yar la naþa la pe amlelaga re e Kristo poli, monar ave manmarua wo vena akilia ataveve kiamiu pulmas lala, vena aurela aimi e Kristo. <sup>6</sup> Amiu na monar avis ruru amio la, e ga e visena lala naþa nasinewo a kiki, ana la aloge visena la nene aloge wo, a monar akilia mrapa na visatañelaena visae aviun naviunena kar ga lala e lepas na kiamiu viawaena.

*Pol mligan yaru la lua apa pula*

<sup>7-8</sup> Kieta wolai wo nene Tikikas, naþa naga sike amio inu, þisi na neligan naga la mñaki nene iñasu pun amiu vena visawal van amiu visave imimi mesike sanape, vena akilia aloge wo. Nekekaran manene kieta wolai nene paþisi, naþa pogos punu ga naga mñareran naþa iila inu e yuñena kiena ne Suþe. <sup>9</sup> A kieta wolai taþena naþa erau wo nene Onesimãs, naga mñena ga þisi na taveve Tikikas iñasu pun amiu. Onesimãs naga nae ga kiamiu yo, a naga mñena ga sumã mlelaga ke e Kristo. Lalue nene þisi na avisawal van amiu, e sur la punu ga naþa kakate ke e yo nini.

*Visena maro kiena ne Pol pan la*

<sup>10-11</sup> Aristakas naþa naga sike e lokap amio inu, a Mak nene naþa naga wenla Panaþas, a Sisas naþa apio naga Sastas, la telu nene apisape asitom amiu paþisi. Mak nene, kana visena piñasu tol amiu pa rui, a pisape visae naga

imi kome lepas nen yo na pun amiu, monar akekarania vena aure naga sukol amiu.

E le Israel la naþa amlelaga e Kristo þisi rui, la ga telu nene amio inu, imimi memiyuþnaen ke yuþnaena nasuþnenena kiena ne Ntewa, a la telu nene la amiila inu keviu paþisi rui e pogos m̃arera lala. <sup>12</sup> Eþaþras nene naþa naga m̃ena ga amiu kiamiu yar tai, naga pe yar wo tai na yuþnaena kiena ne Kristo Yesu, a naga m̃ena ga pisa pokolulagi pona pokolemalo pan amiu, pisape silaga naga suþna mlenwo amiu ke m̃arera paþisi, vena akilia asuþnalu m̃arera, vena amarua ruruia e Kristo sane keyowo, a vena asuþna am̃arera naþa akila ga sur la naþa Ntewa sinenania. <sup>13</sup> Sineun nesape nevisa mesmesun van amiu, nevisave yar naþa Eþaþras naga suþna miyuþnae m̃arera manene paþisi komin amiu, a komin le Laotisia lala, a le Erapolisi m̃ena ga lala. <sup>14</sup> Kieta erau wo nene, naþa Tokta Luk, amio kieta wolai taþena nene Timas, la m̃ena lua asikena a lalua apisa apisape lalua na asuþna asitom amiu paþisi.

<sup>15</sup> Sineun nesape aligan kiau visena van kieta wolai lala a vineta lala nae Laotisia, amio sira nene Nemeva amio þegas nen nalelagaena lala naþa asuþna apiora ke e m̃ana yuþna, avisave in na nesuþna nesitom la ke paþisi. <sup>16</sup> Ana yoko pogos naþa amiu aulo kiau m̃aki nene þisi, awis sineun nesape aligan van le Laotisia lala, vena auloia van þegas nen li nalelagaena lala e yo

---

**4:12** Kolosi 1:7; Pilimon 1:23  
2Tim 4:10; Pilimon 1:24

**4:14** 2Tim 4:11; Pilimon 1:24,

nene, a monar aulo m̃ena ga kiau m̃aki taṣena nene naṣa ṣisi na le Laotisia lala la aligan imi van amiu. <sup>17</sup> A kiau visena tai naga va Akiṣas, nesape “Ko ovisuar ruru yuṃaena nene naṣa Suṣe naga mligan e lumom̃a, monar okila make ruru yuṃaena nene.”

<sup>18</sup> Ana nanagane, nelalua kilamemego e limana ne yar na sirien m̃aki, ana inu ga Pol, nesiri kiau visena maro nini van amiu e ga e luṃau, nevisa pokolulagi pona pokolemalo van amiu. Amiu ve sinemiu ṣesan re sen la naṣa apiar manene inu ke ne, a lemamiena kiena ne Ntewa sike make e amiu.

Inu, Pol.

**Lologena Wo Kienane Yesu Kristo Kome  
Kewo  
The New Testament in the Lewo Language of Epi  
Island, Vanuatu  
Le Nouveau Testament en Lewo langue de l'île d'Épi  
au Vanuatu — Niutestamen long Lewo lanwis, blong  
Epi Aelan, Vanuatu**

copyright © 2016 Wycliffe Bible Translators, Inc.

Language: Lewo

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 21 Feb 2024 from source files dated 31 Aug 2023

ee028e1c-7e53-571d-8041-681daaf580e8